

historia, forteque eadem quæ de duobus cæcis habet Matth. fortè etiam tertia, & ab utraque superiori diversa.

*I. C. Bethaniam venit, cœnatque in domo Marthe, Mariæ, & Lazari, qui suscitatus à multis Iudæis invistat.*

CXXIII. Iesus ante sex dies Paschæ venit Bethaniam, ubi Lazarus fuerat mortuus, quem suscitavit Iesus; fecerunt autem ei coenam ibi: & Martha ministrabat, Lazarus vero unus erat ex discumbentibus cum eo. Maria ergo accepit libram unguenti nardi pistici pretiosi, & unxit pedes Iesus, & extersit capillis suis, & domus impleta est ex odore unguenti. Dixit unus ex Discipulis ejus Iudas Iscariotes, qui erat eum traditurus: Quare hoc unguentum non vœniit trecentis denariis, & datum est egenis. Dixit Iesus: Sinite illam, ut in diem sepulture meæ servet illud. Pauperes semper habebitis. Cognovit ergo turba multa ex Iudæis, quia illic est Iesus: & venerunt non propter Iesum tantum, sed ut Lazarum viderent, quem suscitavit à mortuis. Cogitaverunt autem Principes Sacerdotum, ut & Lazarum interficerent, quia multi propter illum abibant ex Iudæis, & credebant in Iesum. Ioann. 12. vers. 1... 11.

*I. C. Ierosolymam appropinquans venit Bethphage, ubi asello insidens urbem petit populo acclamante.*

CXXIV. In crastinum autem turba multa, quæ venerat ad diem Festum, cum audissent, quia venit Iesus Ierosolymam, acceperunt ramos palmarum, & processerunt obviam ei, & clamabant: Hosanna, Benedictus qui venit in nomine Domini, Rex Israël. Ioan. 12. v. 12. 13. Et cum appropinquassent Ierosolymis, & venissent Bethphage, ad montem Oliveti, tunc Iesus misit duos Discipulos dicens eis: Ite in castellum, quod contra vos est; & statim invenietis asinam alligatam, & pullum cum ea. Solvite & adducite mihi, & si quis vobis aliquid dixerit, dicite: quia Dominus his opus habet, & confestim dimittet eos. Et adduxerunt asinam, & pullum, & imposuerunt super eum vestimenta sua, & eum desuper federe fecerunt. Plurima autem turba straverunt vestimenta sua in via, alii autem cædebant ramos de arboribus, & sternebant in via: turbæ autem, quæ præcedebant, & quæ sequebantur, clamabant dicentes: Hosanna filio David: Benedictus qui venit in nomine Domini: Hosanna in altissimis. Phariseis interim murmurantibus. Matth. 21. vers. 1... 9. Marc. 11. vers. 1... 10. Luc. 19. vers. 29... 40. Ioann. 12. vers. 12... 19.

*I. C. appropinquans Ierosalem flet super illam, prædicitque evertendam.*

CXXV. Et ut appropinquavit, videns civitatem, flevit super illam, dicens: Quia si cognovisses tu, & quidem in hac die, quæ ad pacem tibi: nunc autem abscondita sunt ab oculis tuis: quia venient dies in te: & circumdabunt te inimici tui vallo, & coangustabunt te undique, & ad terram prosternent te, &

filios tuos, qui in te sunt, & non relinquent lapidem super lapidem, eo quod non cognoveris tempus visitationis tuæ. Luc. 19. v. 41... 44.

*I. C. Ierosalem intrat, tum & Templum: ex quo vendentes & ementes ejicit: cæcos & claudos sanat, Sacerdotibus & Scribis indignantibus, exiitque foras.*

Et cum intrasset Ierosolymam, commota est universa civitas dicens: Quis est hic? Populi autem dicebant: Hic est Iesus Propheta à Nazareth Galilææ: & intravit Iesus in Templum Dei: & ejiciebat omnes vendentes & ementes in Templo, & mensas numulariorum, & cathedras vendentium columbas vertit, & dicit eis: Nonne scriptum est, quia domus mea domus orationis vocabitur? vos autem fecistis illam speluncam latronum. Et accesserunt ad eum cæci, & claudi in Templo, & sanavit eos. Videntes autem Principes Sacerdotum, & Scribæ mirabilia quæ fecit, & pueros clamantes in Templo, & dicentes: Hosanna Filio David, indignati sunt, sed Iesus dixit eis: Ex ore infantium, & lactentium perfecisti laudem. Matth. 21. vers. 10... 16.

*I. Christum Gentiles videre volunt, dum Iudæi in excacatione manent.*

Quidam Gentiles ex his, qui ascenderant (Ierosolymam) ut adorarent in die Festo, petunt ab Apostolis, ut Iesum videre possint. Tum Iesus dicit venisse horam, in qua clarificetur Filius hominis, seque comparat grano frumenti, quod in terra mortuum reviviscit, & fructum multum affert. Precatur Patrem pro se, & vox de cælo venit: Et clarificavi (Filium) & iterum clarificabo. Filius etenim hominis per crucem exaltandus; & cum à terra exaltatus fuerit, omnia ad se trahet. Ex Ioann. 12. vers. 20... 32. Cum autem tanta signa fecisset (Iesus) coram Iudæis, non credebant in eum: Ut sermo Isaïæ Prophetæ adimpleretur. Verum-tamen ex Principibus multi crediderunt in eum: sed propter Phariseos non confitebantur, ut è Synagoga non ejicerentur: dilexerunt enim gloriam hominum magis, quam gloriam Dei. ibid. vers. 37... 43. tum Iesus omnes ad se sequendum, & ad fidem hortatur. vers. 44... 50.

*I. C. Bethaniam adiens ficui maledicit.*

Cum autem vespera esset hora, exiit in Bethaniam cum duodecim, ibique mansit, & alia die mane cum reverteretur in civitatem, esuriit. Et videns ficum habentem folia, venit ad eam, & nihil inventa in ea, nisi folia tantum, dicit ei: Iam non amplius ex te fructus nascatur, & arefacta est ficus. Matth. 21. vers. 17... 20. Marc. 11. vers. 11... 20. tum de fide & oratione differit Christus. Matth. 21. vers. 21. 22. Marc. 11. vers. 23. 24.

*I. C. Ierosolymam redit, & Sacerdotes de sua potestate quæstionem facientes repellit exemplo Baptismi Ioannis, quod non improbant.*

Et veniunt rursus Ierosolymam, & cum ambularet Iesus in Templo, & populum euangeli-